

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Broj: T04 0 KTD 0053639 24
Zenica, 18.04.2024.godine

OPĆINSKI SUD U ZENICI
Sudiji za prethodno saslušanje
Z E N I C A

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, p o d i ž e m o

O P T U Ź N I C U

Protiv: H. E., neosuđivan,

što je,

1.dana 07.06.2023.godine, u mjestu ..., grad Z., a nakon što su se njegov sin mldb. sukobio sa mldb. 2 ugrozio građanski mir mldb. 2, na način da je prišao istom i ljutito se obratio riječima: "Šta ga diraš, je*** li ti majku", pa odmah mldb. 2 zadao udarac otvorenim šakom (šamarom) u predjelu desne strane lica, zatim ga udario nogom u njegovu nogu, u predjelu članka, od kog udarca je mldb. 2 pao na tlo, pa dok je ležao nastavio istom zadavati udarce nogama u predjelu desne noge i to zgloba i koljena, iako je bio svjestan da na opisani način ugrožava građanski mir, to i htio, nakon čega se sa mjesta događaja udaljio u nepoznatom pravcu,

dakle, nasiljem prema drugom, naročito drskim i bezobzirnim ponašanjem ugrozio građanski mir druge osobe,

2. dana 07.06.2023.godine, u mjestu ..., grad Z., a nakon što je nanio povrede mldb. 2 i kada je susreo majku mldb. 2 T. S. i kada ga upitala zbog čega je udario njeno dijete mldb 2, istoj opsovao majku, te uputio ozbiljne prijetnje na život ili tijelo riječima: „Ako dođem gore sve ću vas pobiti“, iako svjestan da prijetnjama ugrožava spokojstvo, tjelesni integritet i duševno zdravlje osobe kojoj prijeti, to i htio, što je kod T. S. izazvalo osjećaj straha, uznemirenosti i nesigurnosti,

dakle, ugrozio sigurnost neke osobe ozbiljnom prijetnjom da će napasti na život ili tijelo te osobe,

čime je počinio krivično djelo Nasilničko ponašanje iz člana 362. Stav 1. KZ FBiH, u stjecaju sa krivičnim djelom Ugrožavanje sigurnosti iz člana 183. stav 1. KZ F BiH, u vezi sa članom 54. istog Zakona.